

Կախիւրերգ, Ատմէկ եւ Արաւետի¹ լեռ-
ները: Կիսկիմին եւ Թորդումին բաժանում
են Աշմուէն, Գերվանց, Հարկեւոր, Բէջի-
զին, Մեղրբեր, Խախամին, Աղաջ-քիլիսէ
(Եկեղեաց) լեռները: Հովտիկն ու Թորդումը
բաժանում են Կաղան-Բալի լեռները: Կարնոյ
եւ Թորդումի ջրբաժան գիծը Կուչկուչլար եւ
Գումլու լեռներն են:

Թորդում վտակի աղունքը Ձինակեր
դեղը հասնելուց յետոյ ուղղում է արեւելա-
հիւսիս, ուողում է Քարանգեց (Քարըն-
կէց), Գասիրիկ, Պոչեց, Սաղիր գեղերը եւ
ապա հասնում է Թորդում աւանը, որը գա-
ւառի Կասարան է (Վարչական մարմնի ոս-
տանը): Այս աւանում 480 տուն Իսլամ բնա-
կութիւն կար պատերազմից առաջ, որի

Կամ թէ այս Իսը Ակկատների կամ Լարսայի արեւ Դից
Իստարին չի՞ յիշեցնում: Գիւլի-Բագգատ Լ-րի արեւելեան
փեշերից իջնում է Թեւ կամ Դեւ առուակը, որ նախ
ուողում է Նարըլիս գեղը: Խարիսա՝ Օթիսայի ձեւով
կազմուած է, — թիս վերջին վանկը ուշագրութիւն է
գրաւում՝ արգելք սա էլ նոյն աստուածութեան մի այլ
պատկերը չի՞ ներկայացնում: Մանաւանդ վտակի Դեւ (Թեւ)
անունը ստիպում է մտածել, որ այս գետերը նախապատ-
մական շրջանի պաշտամունքի աւարկաներն են եղել:

1 Արաւետ տանից աւելի գեղերի, վտակների, լեռ-
ների անուն է Ճորոխի Աւազանում, որ ցոյց է տալիս, թէ
այդ վայրերում Արեւի յատուկ պաշտօնատեղիներ են եղել:
Արաւետները միտրապաշտութիւնից վաղ են հիմնուել մեր
երկրում եւ պիտի զուգընթաց լինի կենսատու ջրի պաշ-
տամունքի հետ: Արամազդը, Անահիտը եւ Միհրդիթ միա-
ժամանակ երրորդութիւն են կազմել մեր երկրում եւ սրանց
պաշտամունքը Ճորոխի Աւազանի ամեն մի կողմը ակնբախ է: